

SHWBIZ KLIP

BON DIA



“Stenke Stenke Project” e produccion nobo di Basic One y Jeon (Biggy Boy) lo calma e sed di tur su fanaticonan



Tabata pa nos un placer di ta un di e promenan di por a haya un copia original di e produccion aki for di man di Niro diamars atardi. Un produccion cu sigur ta uno cu lo ta un exito total un

biaha mas tras di e number di Basic One y Biggy Boy. E album ta conta cu 19 track cu ta inclui e exitoso tema Stenke stenke, Virgin Colada, Arepita con queso y e Papa Noel original, riba e album aki



tin un par di tema cu a conta cu e participacion y asistencia di entre otro Robert Thiel, Michael ‘Fellow’ Lampe, Aidi, Phil “El Taladro” Hunt, Boss level Studio, Maurice “Mow-Z” Maduro cu ta duna e skitnan su picardia unico pa cual e ta conoci p’e. Sin laga atras bosnan manera Willmar, Ron ‘Tiger Eyez’, Iski, Lady Mellow, lili Rogers, pero mester reconoce e ritmo y sazon cu Roel Calister cu a duna e temanan un otro dimension probechando cu e tabata na Aruba un par di siman atras den e festival di Jazz. Un di e studionan di grabacion cu tabata sigur, un di e principal luga cu e creacionnan aki a nace ta den K-Hi Webbo Recording Studio di Biggy mes cu a pasa basta dia y anochi ta crea y prepara

e produccion aki cu sigur lo calma e sed di nan fanaticonan na Aruba, Corsow, Boneiro, Sint Maarten y Hulanda pa un bon rato. E ultimo lunanan aki di aña Niro a bin ta bomardea tur stacion di radio local y Antiano cu su temanan un tras di otro habiendo caminda asina p’e album aki cu sigur lo haya hopi bon atencion. Manera nos a compronde cu na Corsou esaki ta un locura total y cu e prome 1000 CDnan a bay den un tempo record den un di e CD shopnan mas importante di e isla bisiña cu ta Tik Tak. Nan ta considera e album aki un monster di produccion cu tambe ta habri caminda pa un sin fin di presentacionnan di Basic One hunto cu Jeon (Biggy Boy).

Niro ta gradici tur e fanaticonan rond di mundo cu tin nan ta produci himno tras di himno, esta exito tras di exito. Pa esnan cu kier tin contacto mas estrecho cu nan por medio di Internet laga nos suministra’bo www.facebook.com/janiro.eisden, www.facebook.com/basic1, www.twitter.com/basic1, www.facebook.com/jonathanthiel, basic-one@live.com, biggy_boy@live.com. E produccion aki tabata den man di Jonathan “Biggy Boy” Thiel y co produci pa Janiro Eisden y ambos t’e productornan ehecutivo di e proyecto aki cu ya caba ta un sensacion cu porcierto ta obtenibel n’e CD shop mas cerca di bo cas.

